

ԳՐԱՆՈՍՈՒԹՅՈՒՆ ԵՎ ՔՆՆԱԴՐՈՒԹՅՈՒՆ

ՄԵԾԱՐԺԵՔ ՄԵՆԱԳՐՈՒԹՅՈՒՆ

Հայ ժողովրդի ազատագրական պայքարի պատմության և դրա հետ կապված հարակից հարցերի ուսումնասիրությունը կազմում է մեր ժողովրդի բազմադարյան պատմության ամենահիմնական պրոբլեմներից մեկը: Եվ դա պատահական չէ, որովհետև հայ ժողովրդի բազմադարյան պատմության բովանդակությունը դասակարգային պայքարին զուգահեռ նաև ազատագրական պայքարն է՝ դարեր տևած օտար տիրապետությունների կամ օտար քաղաքական ազդեցությունների դեմ, որոնք հաճախ սպառնացել են քաղաքական ինքնուրույնությունից զրկված, սոցիալական ու իրավական ծանր վիճակի մեջ գտնվող հայ ժողովրդի նույնիսկ ֆիզիկական գոյությունը:

Նախասովետական և հատկապես սովետահայ պատմագրության մեջ այդ հարցը միշտ էլ արծարծվել է և հրապարակ են եկել մեկ տասնյակից ավելի աշխատություններ: Կարելի է համարձակ ասել, որ եղած աշխատությունները վերաբերում են արևելահայերի ազատագրական ձգտումներին, քաղաքական կողմնորոշումներին, ծրագրերին և վերջապես բուն շարժումներին, որոնք մի զղալի չափով ամփոփվեցին Աշոտ Հովհաննիսյանի երկհատորանոց ուսումնասիրության մեջ¹: Իսկ արևմտահայերի միջավայրում ազատագրական պայքարի մտորումներ, բանազնացություններ և ծրագրեր եղել են, թե ոչ, այդ մասին հայ պատմագրությանը ինչպես նախասովետական, այնպես էլ սովետական շրջանում՝ մինչև վերջերս շատ բան հայտնի չէր: Եվ ահա, այդ խնդրի մանրագնի ուսումնասիրությանը ձեռնամուխ եղավ Հակոբ Անասյանը Տակավին չէր թուլացել նրա մի այլ՝ «Հայկական մատենագիտություն» հոյակապ գործի հիմնադիր հատորի ստեղծած տպավորությունը և հաճախ մեզ ուրախացրեց մի նոր անակնկալ ուսումնասիրությամբ²:

Այս ուսումնասիրությունը երկարատև որոնումների ու տքնաշան պրպտումների արդյունք է: Արևմտահայերի ազատագրական պայքարի պատմության ուսումնասիրությամբ Հակոբ Անասյանը զբաղվել է շուրջ երեսուն տարի, առաջին անգամ 1934 թ. «Երկունք» ամսագրում հրապարակելով այս թեմային վերաբերող փոքրիկ, բայց հիմնադիր հոդվածը՝ «Նպաստ մը հայոց ազատագրական պատմության. Մահտեսի Շահմուրատ և Յովհաննէս Թիւթիւնցի» խորագրով³: Հոգնածում ցույց էր տրված, որ Մահտեսի Շահմուրատը և «հայ ազնվական» Մուրատը միևնույն անձնավորությունն են, իսկ վերջինիս և Հովհաննէս Թիւթիւնցու 1683 թ. Վերսալում գտնվելը, հեղինակի կողմից դիտվել է որպես արևմտահայերի ազատագրական մտորումների և ձգտումների հետ կապված մի առաքելություն: Իհարկե, հեղինակի այս բավական հետո, ուրիշ ուսումնասիրողներ ևս եկան նույնանման հետևությունների⁴, սակայն, Հ. Անասյանը շարունակեց հետևողական որոնումներ կատարել, որոնք նոր փաստեր մատակարարեցին հեղինակին իր նախնական թեզերը հաստատելու և զարգացնելու համար, որի արդյունքը եղավ ներկա ուսումնասիրությունը: Վերջինս զրկվել է հայկական և օտար, հաճախ շատերի համար անմատչելի սկզբնաղբյուրների հիման վրա, որոնք իրենց ընդլայնված տարբեր աղբյուրներ են՝ ճանապարհորդական նոթեր, նամակներ, ղիվանսգիտական զեկուցագրեր, կենսագրություններ և այլն, և այլն, և որոնց մի մասը հնատիպ և հազվագյուտ օրինակներ են: Այս աշխատությունը տակավին 1941 թվականին ավարտված էր⁵ և մասնակի լրացումներից ու ճշտումներից հետո հրա-

1 Աշոտ Հովհաննիսյան, Դրվագներ հայ ազատագրական մտքի պատմության, հ. 1, Երևան, 1957, հ. 2, Երևան, 1960:

2 Հ. Ա. Անասյան, 17-րդ դարի ազատագրական շարժումներն Արևմտյան Հայաստանում. պատմական հետազոտություն, Երևան, ՀՍՍՌ ԳԱ Հրատարակչություն, 1961:

3 «Երկունք», Փարիզ, 1934, № 6—7:

4 Ա. Ալպոյաճյան, Հայ եպիսկոպոսի մը առաքելությունը, Կահիրե, 1946:

5 1947 թ. հանձնվել էր ՀՍՍՌ ԳԱ-ի Պատմության ինստիտուտի արխիվին, տե՛ս Թղթապա՝ նակ № 180:

պարակվեց միայն վերջերս, թեև այս ուսումնասիրության նյութերից որոշ մաս հրատարակվել էր գիտական մամուլում 1951 և 1954 թվականներին⁶:

Հ. Անասյանի այս ուսումնասիրության շնորհիվ ի հայտ եկան հայ պատմագրությանը ցարդ անծանոթ մնացած արևմտահայ ազատագրական շարժման նոր էջեր: Այս շարժումը ծառացած էր Օսմանյան Թուրքիայի անլուր դաժանությամբ հայտնի տիրապետության դեմ և ընդգրկում էր շուրջ կեսդարյա մի ժամանակաշրջան: Եթե հետևելու լինենք դեպքերի զարգացման ընթացքին, ազատագրական այս շարժումը կարող ենք բաժանել երեք շրջանների. ա) Ազատագրական շարժման սաղմնավորման շրջան՝ 17-րդ դարի 30-ական թվականներից մինչև 1666 թ.: Այս շրջանին են վերաբերում ուսումնասիրության ներածությունը և Ա—Գ գլուխները: բ) Ազատագրական շարժման առաջին շրջան՝ կապված Կանդիայի պատերազմի վերջին շրջանի հետ՝ 1666—1669 թթ.: Այս շրջանին են վերաբերում ուսումնասիրության Դ—Է գլուխները: գ) Ազատագրական շարժման երկրորդ շրջան՝ կապված Ֆրանսիայի հետ, 1669 թվականից հետո մինչև 1683 թ.: Այս շրջանին են վերաբերում ուսումնասիրության Ը—ԺԱ գլուխները: Ուսումնասիրության վերջին երկու գլուխները վերաբերում են արևմտահայ ազատագրական շարժման և Ծղիազադ Այնթապցու գործունեության գնահատման հարցերին:

Առաջարկում կարճառոտ խոսվում է ներկա ուսումնասիրության համար հիմք դարձած՝ 17-րդ դարի արևմտահայ ազատագրական շարժման ուղիների մասին, որ այդ շարժումը իր հույսը սխալ կերպով կապում էր արևմտա-եվրոպական կողմնորոշման հետ, իսկ ռուսական կողմնորոշման համար լուկ հող էր նախապատրաստվում: Հայ իրականության մեջ, ինչպես նշում է Անասյանը, ազատագրական շարժման երկու հատվածներն էլ՝ և՛ արևմտահայերի, և՛ արևելահայերի, գնում էին միևնույն ուղղությամբ՝ դեպի Արևմուտք, սակայն իրարից անկախ և տարբեր ճանապարհներով, և, նույնիսկ, բացակայել է դրանց միջև օրդանական կապը: Ինչու, որովհետև, ինչպես նշում է հեղինակը, պայքարը գնում էր երկու տարբեր պետությունների՝ Թուրքիայի և Պարսկաստանի դեմ, որոնք միմյանց թշնամի էին, մյուս կողմից՝ սյդ միասնությանը արգելք էր այն թշնամանքը, որը գոյություն ուներ Բուլղոնների (Ֆրանսիա) և Հարսուրդների (Գերմանիա) միջև, որոնք իրենց նպատակների համար օգտագործում էին հայ ազատագրական շարժումները: Այստեղ անհրաժեշտ է ավելացնել, որ այդ երևույթը պետք է դիտել որպես հայերի միասնական պետականության և ժողովրդի մարդկայնության բացակայության արդյունք, որոտեական մի երևույթ էր հայերի համար, իսկ հայությունն այդ պայմաններում գտնվում էր օտար, տնտեսապես և քաղաքականապես հետամնաց երկու պետությունների գերիշխանության տակ, զուրկ լինելով տնտեսական ու քաղաքական միասնությունից:

Ներածության մեջ հեղինակը համառոտակի խոսում է թուրքերի կողմից Հայաստանի արևմտյան նահանգների նվաճման մասին և ապա տալիս Արևմտյան Հայաստանի վարչական պատկերը 17-րդ դարի երկրորդ կեսում՝ ըստ Օսմանյան վարչական բաժանման: Հեղինակն այս պատկերը տվել է հետևելով ժամանակակից Ռայկոտի տվյալներին, որոնք, ի դեպ, պատմա-բանասիրության մեջ չեն ուսումնասիրված, թեև անցողակի օգտագործվել են Հեռյի կողմից⁷, առանց քննության: Ռայկոտի մոտ անունները չափազանց աղավաղված լինելով Անասյանը, որիչ աղբյուրների օգնությամբ, դրանք մեծ հմտությամբ ուսումնասիրել է և տվել ըստ ամենայնի գիտական ցուցակի: Ընտելով այս անունները, Անասյանը, դուրսբերելի դարձնելու համար, նրանց կողքին, փակագծերի մեջ, նշել է վերջիններիս հայկական հին անունները: Այստեղ կան հեղինակի բազմաթիվ և սրամիտ ճշտումներ, օրինակ, ուսումնասիրողներից ոչ ոք դեռ չի ասել, թե Վանի կուսակալության մեջ հիշատակվող Աղաքիսի սանչակը հայկական ի՞նչ անուն ուներ և որ շրջանին է համապատասխանում, մինչդեռ Անասյանը ասում է, որ դա Եղեգիսի շրջանն է կամ պատմական Կարճկանը: Էրզրումի կուսակալության մեջ հիշատակվող երկու Փասիկ-ներից (Վերին և Ստորին Բասեն) բացի, Ռայկոտի մոտ նշվում է մի երրորդ Փասիկ ևս: Անասյանը ցույց է տալիս, որ դա հայկական աղբյուրներում հիշատակվող Անփայտ Բասենն է կամ Կարմիր

6 Հ. Անասյան, Թուրքական տիրապետությունը Հայաստանում 17-րդ դարում (սեղեկագիրք, հաս. դիտ., 1951, № 5, էջ 51—70. և նույնի ժայ-հունական ազատագրական շարժման մի էջ Կանդիայի պատերազմի շրջանից (17-րդ դար)», (սեղեկագիրք, հաս. դիտ., 1954, № 3, էջ 85—99):

7 Լեո, Հայոց պատմություն, հ. 3, Երևան, 1948, էջ 53:

8 Այս ցուցակն առաջին անգամ հրապարակվեց 1951 թվին (տես սեղեկագիրք, հաս. դիտ., 1951, № 5, էջ 54—59):

Փորակը, Հմմտ. նաև Ռայկոտի Քեյֆի կամ Քիֆի (کيفي) անունը, որ Անասյանը վերականգնել է որպես Քեյֆի (کيفي)՝ համապատասխան Կեդի անվան հետ և այլն: Միայն ցավել կարելի է, որ այդ ճշտումների հիման վրա կազմված մի քարտեզ չի կցվել այս ուսումնասիրությանը:

Այնուհետև հեղինակն, ըստ ժամանակակից Ֆերուրի, տալիս է ցուցակը այն հարկերի, որ ոչ-մահմադականները վճարում էին սուլթանին ու կուսակալ փաշաներին: Բնութագրելով Օսմանյան Թուրքիայի ռազմա-ֆեոդալական կարգերը՝ հեղինակն անցնում է քրիստոնյա ժողովուրդների սոցիալական և իրավական ծանր զոյավիճակի բնութագրմանը, աչքաթող շանելով նաև անգլիական, ֆրանսիական և հուլանդական կապիտալի թուրքական շուկա ներթափանցելու մրցության հարցը: Նկարագրելով Թուրքիայի գերիշխանության տակ հեծող ժողովուրդների ծանր վիճակը, Անասյանն այն հանգեցնում է քրիստոնյա ժողովուրդների ազատագրական պայքարին: Սակայն, այս հարցը, ի պատիվ հեղինակի, պետք է նշել, որ նա չի քննում լոկ ներհայկական ինքնամիտք ջրջանակների մեջ, այլ ցույց է տալիս, որ ազատագրական ձգտումներով համակված էին նաև հույները, բուլղարները, ալբանները և այլն: Նշված ժողովուրդների ծանր զոյավիճակի ցուցադրումը և դրա հիման վրա առաջ եկած ազատագրական շարժումները մի անառարկելի պատասխան են ժամանակակից Թուրքիայի պատմագրության մեջ իշխող այն կեղծ տեսակետին, թե Օսմանյան Թուրքիայի տիրապետության տակ ապրող փոքր ժողովուրդները իրենց միշտ էլ լավ են զգացել:

Թե ինչու և 17-րդ դարի ազատագրական շարժումները արևմտյան հայերի մոտ զնացին Արևմտյան Եվրոպայի կողմնորոշման ուղիներով, հեղինակը բացատրում է ժամանակի հանգամանքների անհրաժեշտության բերումով և դարերի ընթացքում հայ ազատագրական ձգտումները փափայող «Բաշանց թղթի», Ներսես Պարթևի և Ազադունի տեսիլների տրամադրություններով. «Քաղաքական այն կողմնորոշումը, որն ընդգրկված էր այս շրջանում, ոչ թե ժամանակի հանգամանքների բերած անհրաժեշտությունն էր լոկ, այլև, միաժամանակ, արտահայտությունը հայերի մեջ դարերի ընթացքում կազմված գաղափարական մի ձևավորման, որը տիրող էր 17-րդ դարում» (էջ 56):

Ճիշտ է հեղինակի այն միտքը, որ «ազատագրական ծրագիրը հիմնված է լոկ ժողովրդական ապստամբության գաղափարի վրա» (էջ 56—57): Հեղինակի այս միտքը, դժբախտաբար, չի հաղեցված փաստական նյութի անհրաժեշտ մանրամասնություններով:

Ուսումնասիրության Ա և Բ գլուխները նվիրված են 17-րդ դարի արևմտահայ հասարակական հոսանքների ուսումնասիրությանը և նրանց միջև զոյություն ունեցող պայքարին: Հեղինակն առաջ քաշելով և հանգամանորեն ուսումնասիրելով այս հարցը, ցույց է տալիս, որ սովյալ ժամանակաշրջանում արևմտահայ բուրժուազիան որոշակիորեն բաժանված էր երկու թևերի՝ չեխերական կամ վաշխառուական, որի «գործունեության գլխավոր ասպարեզը փաշայական ու արքունի միջավայրն էր և, հետևաբար, չեխերների շահերը սերտորեն կապված էին թուրք բյուրոկրատիայի հետ» (էջ 66), և խոջայական կամ առևտրական, որի գործունեությունն ընդգրկված էր միջազգային խոշոր առևտրի ոլորտներում: Այս երկու թևերը կատաղի պայքար էին մղում ազգային համար և հասարակական գործունեության ասպարեզում իշխող ու ղեկավարող դիրքեր գրավելու համար: Այստեղից էլ առաջանում է խոջայության կողմից սեփական երկիր՝ հայկական անկախ պետականության ունենալու խնդիրը և ծագում է արևմտահայ ազատագրական շարժումը: Անհրաժեշտ է նաև նշել, որ Դավրիժեցու մոտ եղած այն սովյալները, որոնք արտահայտում են արևմտահայ հոսանքների պայքարը, իրենց այդպիսին չեն ընկալվել և մեկնաբանվել լեռնի կողմից: Դավրիժեցու նկարագրած այս անցքերի մեջ չեն աշխատել և տեսնել դասակարգային պայքարի սաղմեր՝ պոլսահայ բնիկ ունևորության և զավառական պանդուխտ պրոլետարիատի միջև: Միևնույն ժամանակ, քաջ ծանոթ լինելով իր առջև դրված նյութերին և ճիշտ պատկերացնելով դեպքերի ընթացքը, համոզեցուցիչ փաստերով ցույց է տալիս, որ դա ներդասակարգային պայքար էր բուրժուազիայի երկու հատվածների միջև:

Հայ պատմագրության համար, անշուշտ, հետաքրքրական հարց է պոլսահայ, այսպես կոչված, «պատրիարքական կոիվներին» էության լուսաբանումը՝ այդ կապելով արևմտահայ հոգևորականության ներքին պառակտման և նրա ներսում զոյություն ունեցող, հեղինակի կողմից այսպես անվանված, ստական և էջմիածնական թևերի պայքարի հետ: Հեղինակը, ճիշտ կերպով, այդ պայքարը չի դիտում լոկ դավանաբանական առումով, ընդհակառակը, նա այդ պայքարում տեսնում է «արևմտահայ բուրժուազիայի ներքին ալեկոծություններին» դրսևորումը (էջ 74), որը

այս շրջանում հանդիսանում է միշտ ուժ արևմտահայ հասարակական կյանքի: Բնութագրելով ստականների և էջմիածնականների ձգտումը այդ պայթյալում, հեղինակն այնուհետև նշում է, որ արևմտահայ բուրժուազիայի խոչալական թևն իրեն զինակից դարձնում է ստականներին, իսկ չլիբերականը՝ էջմիածնականներին (էջ 75): Հեղինակը, դժբախտաբար, չի քննում, թե ինչու այդ պայթյալում խոչալական թևը հարեց ստականությանը, իսկ չլիբերականը՝ էջմիածնականությանը: Սա շատ կարևոր և հետաքրքիր հարց է: Մյուս կողմից, 17-րդ դարում տեղի ունեցած արևմտահայերի ազատագրական ձգտումներին և սրանց միջոցառումներին, էջմիածնից հազիվ թե որևէ տեղեկություն չունենար. ապա արդարացի հարց է ծագում, ինչպե՞ս է, որ 17-րդ դարի 70-ական թվականներից հետո, երբ արևմտահայ ազատագրական պայթյալն իր երկրորդ շրջանն էր ապրում, արևելահայերի մոտ առաջ եկած ազատագրական մտորումներն ու բանազնացությունները անտեսում են արևմտահայերի նույնանման միջոցառումները և իբր թե ոչ մի օրգանական կապ չենք տեսնում այս երկուսի միջև: Ծիշտ է, այս մասին ակնարկ կա Առաջաբանում, բայց այն լրիվ բացատրված չէ:

Գ և Դ գլուխներում քննվում է քաղաքական իրադրությունը Եվրոպայում և խաչակրաց արշավանքի հարցը: Քաղաքական ամենակարևոր հարցն այս ժամանակ Կանդիայի պատերազմն է (1645—1669 թթ.) էր, որը մղվում էր Թուրքիայի և Վենետիկի հանրապետության միջև: Այս պատերազմը շոշափեց եվրոպական գրեթե բոլոր պետությունների շահերը, և բոլորի համար էլ հավասարաշափ անհրաժեշտ էր թուլացնել ուժեղացող Թուրքիան և Միջերկրականը փակել վերջինիս առաջ: Հենց այս պատճառով էլ Եվրոպայում սկսեց շրջել խաչակրաց նոր արշավանքի ուղիականը: Այս կապակցությամբ Օսմանյան կայսրության մեջ մտնող քրիստոնյա ժողովուրդների մեջ աշխուժանում է կաթոլիկ միսիոներների դործունեությունը: Վերջիններս սրանց ներշնչում էին շուտափույթ ազատագրման զաղափարը: Եվ այս հոդի վրա, Կանդիայի պատերազմի պայմաններում, առաջ են դալիս Թուրքիայի տիրապետության տակ հեծող քրիստոնյա ժողովուրդների ազատագրական ծրագրերը, Հեղինակն օգտագործելով իտալացի պատմագիր Բուլգարինիի հաղորդածը մի հայ ազնվականի մասին, որը 1666 թ. Փարիզ էր եկել հայ-հունական միացյալ ապստամբության ծրագրով, քննում է այս ծրագիրը և Ե գլխում խոսում այդ պատվիրակի ինքնության մասին: Մանրագրին քննությունից հետո Անասյանը համոզվել կերպով ցույց է տալիս, որ Բուլգարինիի մոտ հիշված «հայ ազնվականը» Կողմա Պալեոլոգի հետ Փարիզ ժամանած Հաջի Մուրատն է, նույնիսկ Մահմետի Մուրատը (1672 թ. հիշվում է խոշա Մուրատ, իսկ 1683 թ.՝ Բադիշեյի Մահմետի Մուրատ կամ Մահմետի Շահմուրատ): Քննելով այս անձնավորության սոցիալական վիճակը, Անասյանը ճիշտ կերպով ցույց է տալիս, որ Հաջի Մուրատը (նույնիսկ Մահմետի Շահմուրատը) արևմտահայ բուրժուազիայի խոչալական թևի ներկայացուցիչն էր: Այնուհետև Անասյանն անցնում է Մահմետի Շահմուրատի ազատագրական պայթյալի ծրագրի քննությունը, որի էությունն այն էր, որպեսզի կազմակերպվեր հայ-հունական միացյալ ապստամբություն Հայր Օտտոմանի գլխավորությամբ: Թե՛ ո՞վ էր Հայր Օտտոմանը, շատ մանրամասն քննված է Զ գլխում: Եվրոպայում սրան համարել են սուլթանազուն՝ սուլթան Իբրահիմի որդին: Կանդիայի պատերազմի տարիներին եվրոպական դիվանագիտությունը, ինչպես ցույց է տալիս Անասյանը՝ քաղաքական ճիշտ մոտեցումով, Հայր Օտտոմանին մեղտել է բաշում իր քաղաքական հաշիվների համար: Փարիզում, ինչպես վկայում է Բուլգարինին, սրան դիմում է Մահմետի Շահմուրատը և առաջարկում ղեկավարել հայ-հունական միացյալ ապստամբությունը և զբաղվել բյուզանդական գահը:

Հաջորդ է գլխում հեղինակը մանրամասն քննության է ենթարկում «Արևելյան կայսրությունը վերականգնելու» հայ-հունական ծրագիրը, ուր նշված են այդ ծրագրի իրականացման երկու ուժերը՝ հայ-հունական միացյալ ապստամբությունը և դրսից եկած զինված օգնությունը՝ խաչակրությունը: Այս կապակցությամբ քննված է նաև Թուսաստանի և Վրաստանի մասնակցության հարցը, թեև այդ մասնակցությունը գործնականորեն հանդես չի եկել:

Ը և Թ գլուխներում հեղինակը ցույց է տալիս Ֆրանսիայի վարած քաղաքականությունը Կանդիայի պատերազմի ժամանակ և պատերազմի ավարտից հետո: Կանդիայի պատերազմից հետո Ֆրանսիան Թուրքիայի նկատմամբ վարում է հարձակողական քաղաքականություն: Ելնելով այս բանից, արևմտահայ ազատագրական հարցը Մահմետի Շահմուրատը կամ նրա ներկայացրած քաղաքական հոսանքը կապում է ուղղակի Ֆրանսիայի հետ: Եթե առանձնացնենք վերջին այս մոմենտը, ապա ազատագրական շարժման ծրագիրը նույնն էր, ինչ 1666 թ. ծրագիրը: Սակայն այս ծրագիրը ևս ի դերն ելավ միջազգային հարաբերությունների լարվածության և հատկապես 1672 թ. Ֆրանսիայի և Հոլանդիայի միջև սկսված պատերազմի հետևանքով:

Ժ և ԺԱ զույգները նվիրված են արևմտահայ ազատագրական շարժման նոր փուլում Մահտե-
աի Շահմուրատի և Հովհաննես Թութունջու գործունեության քննությանը: Քննված է 1683 թ. զբո-
ւյթած՝ Մահտեաի Շահմուրատի «Պատմություն վերսալիայ քաղաքին Ֆրանկաց» հիշատակարանը և
ցույց է տրված վերսալում հավաքված մի քանի հայերի առաքելության նպատակը՝ նորից բարձ-
րացնել արևմտահայերի ազատագրման հարցը, թուրքերի կողմից Վիեննայի պաշարման շըր-
ջանում: Մի քանի էջերում մեծ համոզկերությամբ է բացատրված Մարսելի հակահայկական և
Փարիզի հայասիրական քաղաքականությունը, և պարզաբանված է վերսալում դրսևված հայ
մի քանի գործիչների՝ Զաքարիա Սիսիանցու, Զուլեպա Հալապցու և այլոց ինքնությունը:

Զեռնհաս պատմաբանի հմտությամբ Անասյանը քննում է Հովհաննես Թութունջու Հարեշտան
մեկնելու և վերադառնալու ճանապարհորդական նոթերը՝ վեր հանելով նրա առաքելության նը-
պատակները: Քննության ընթացքում պարզվում է, որ Հովհաննես Թութունջու առաքելությունն
ունեցել է քաղաքական բնույթ՝ կապված ազատագրական շարժման խնդիրների հետ: Ինչպես
Անասյանն է ցույց տալիս՝ Հովհաննես Թութունջին փաստորեն հանդիսացել է Արևելքում Ֆրան-
սիայի ներթափանցման քաղաքականության ջատագով Երուսաղեմի արևմտահայ կաթողիկոսության
ներկայացուցիչը, որին Լյուդովիկոս 14-րդը օգտագործելով ուզում էր «կաթոլիկության և ֆրան-
սիական կապիտալի մուտքն ապահովել այնտեղ (Հարեշտանում—Վ. Հ.) Հովհաննես
կայսրի հետ բանակցելով, որպեսզի Եթովպիայի պատերազները հայերից բերվեն» (էջ 207):
Այսպիսով, կրոնական քողի տակ և հայերի միջոցով Լյուդովիկոս 14-րդը փորձում էր Եթովպիա-
յում իրագործել տնտեսական և քաղաքական հատուկ նպատակներ:

Հովհաննես Թութունջու գործունեության վախճանը, որը հեղինակն անվանում է առեղծված,
հնարավոր չէ պարզել կոնկրետ փաստեր ըլինելու պատճառով: Եվ թվում է մեզ, Անանուն մի
ժամանակագրության հեղինակի՝ Հովհաննես Թութունջու մասին գրած «Եղև գութս ազգին Ֆրան-
կաց և եկն ի վերայ Թուրքին» վկայության վերաբերող Անասյանի ենթադրյալ բացատրությունը
(էջ 214—215) հավանական է:

ԺԲ զլիսում հեղինակը համառոտակի նշում է արևմտահայ ազատագրական շարժման վախ-
ճանը և ապա ղեհհատման ենթարկում այդ շարժման երկու շրջանները: Երկրորդ ընտելագրելով
այս կամ այն քաղաքական հոսանքների և գործիչների գործունեությունը, եղելությունների և
ծրագրերի Լույսումը, առանձին ղեպերում միայն կարող են վիճելի և կամ սրբագրության
կարոտ համարվել այդ ղեհհատականները: Ուսումնասիրության 220-րդ էջում խոսելով Հով-
հաննես Թութունջու մահվան մասին, հեղինակը գրում է. «Կարելի է ասել, որ արևմտահայ ազա-
տագրական շարժման ղերակատարներից Հովհաննես Թութունջին մահով նշվում է նաև 17-րդ
դարի շարժումների ղազարումը»: Նախ, իրականում, 1683 թվականից հետո մինչև Հովհաննես
Թութունջու մահը արևմտահայ ազատագրական շարժումն արդեն թուլացում էր ապրում, այդ բանն
այնքան ուժեղ էր, որ փաստական ոչ մի հետք չի մնացել: Իհարկե, մենք հեռու ենք այն մտքից,
որ ղրախոսվող աշխատության բանիմաց հեղինակը այն կարծիքին է, թե Հովհաննես
Թութունջու մահով է ղազարել արևմտահայ ազատագրական շարժումը: Այստեղ մի փոքր ան-
հաջող է ձևակերպումը: Մինչդեռ արևմտահայ ազատագրական պայքարի ղազարը կապված էր
քաղաքական ավելի խոր պատճառների հետ: Բանն այն է, որ և՛ արևմտահայերի, և՛ արևելա-
հայերի ազատագրման պործում օրյեկտիվորեն մեծ տեղ էր տրվում ինչպես ղրսից եկած օգնու-
թյանը, այնպես էլ Թուրքիայի կամ Պարսկաստանի լծի տակ հեծող ժողովուրդների ազատա-
գրական պայքարի միասնությանը: Դժբախտաբար, ղեպերի բերումով 1683 թ., երբ Թուրքիային
հետ շարտեցին Վիեննայի պատերի տակից և այնուհետև նա շարունակեց թավալղոր ապրել իր
թուլացումը, եվրոպական պետությունները փոխանակ օգտագործելու այդ մոմենտը, ղրաղվեցին
յսպանական ժառանգության համար մղվող պատերազմով, իսկ Ռուսաստանը՝ Հյուսիսային մեծ
պատերազմով: Այդ պայմաններում արևմտահայ և արևելահայ ազատագրական շարժումներին
եվրոպացիները պետք չունեին՝ թուրքերի ղեմ օգտագործելու համար: Մյուս կողմից՝ ինչ-ինչ
պատճառներով ղրսի չէր ղալիս թուրքերի լծի տակ հեծող փոքր ժողովուրդների ազատագրական
միասնական պայքարի կաղմակերպումը: Ըստ էության սրանք (և ոչ միայն սրանք) են արևմտա-
հայ ազատագրական շարժման ղազարի պատճառները:

Հեղինակը բերելով մի շարք տվյալներ, թե արևմտահայ գործիչները ազատագրված Հա-
յաստանը քաղաքական ինչպիսի կառուցվածքով էին պատկերացնում (էջ 220—223), ուշա-
ղրություն չի ղարձրել խոջայական միջավայրում մեծացած և սրանց քաղաքական տղամաղրու-
թյուններն արտահայտող Հակոբ Կարենցու քաղաքական հայացքների վրա՝ կապված Հայաստանի

պետական կառուցվածքի հետ Վերջինս ուզում էր Հայաստանը տեսնել ֆեոդալական կենտրոնա-
ձիգ միասնական միապետության շրջանակներում¹⁰։

Անասյանը խոսելով Հայր Օտտոմանի ծրագրի գնահատման մասին, գրում է, թե այդ ծրագիրը, եթե իրականացվեր, «իրականության մեջ որևէ փոփոխություն չէր բերի Արևելքի քրիստոնյա ժողովուրդներին, ոչ ըստ ձևի, ոչ էլ ըստ բովանդակության» (էջ 224)։ Այստեղ հեղինակն իրավացի է այն առումով, որ, եթե իրականացվեր այդ ծրագիրը՝ Հայաստանը դարձյալ կրնային օտար տիրապետության տակ, սակայն, ֆրանսիական, անգլիական և եվրոպական որևէ պետության տիրապետությունը չէր կարելի համեմատել թուրքական տիրապետության հետ։ Այստեղ խոսքը համեմատական չափով ազատ վիճակի մասին է։

Ուսումնասիրության վերջին գլուխը՝ Եղիազար Այնթապցու և Եղիազարյան շարժումը՝ արտաքին հայացքից թվում է թե կապ չունի ներկա ուսումնասիրության մեջ արծարծված հարցերի հետ, սակայն, դա միայն առերևույթ է։ Փննության ենթակա հարցերի կապակցությամբ այս գլխում Եղիազար Այնթապցու գործունեության՝ հեղինակի քննությունը և գնահատականը վերին աստիճանի ինքնատիպ է։ Հայ պատմագրության համար նորություն է այն լուսարանությունը, որ տրվում է այստեղ Եղիազարյան շարժմանը։ Սկսած Մ. Չամչյանից մինչև մեր օրերը Եղիազար Այնթապցու գործունեության մղիչ ուժը համարվել է նրա անհատական փառամոլությունը։ Փորձ չի արվել Եղիազարյան շարժմանը մոտենալ ոչ թե անհատական մի ձեռնարկման, այլ որպես պատմա-հասարակական երևույթի։ Ահա այդ փորձն է արված Անասյանի կողմից, որը այն լծակն է արևմտահայերի ազատագրական խնդիրների հետ։ Դրանով իսկ հեղինակը նոր բացատրություններ է տվել այս հարցին։ 16—17-րդ դարերում հայ բարձր հոգևորականությունը բավական հաճախակիորեն հարաբերության մեջ է եղել Հռոմի հետ և այս միշտ էլ համարվել է կաթոլիկացում։ Անասյանի կարծիքով այսպես կոչված կաթոլիկացումը ոչ միայն կեղծ էր, այլև այդ երևույթը կաթոլիկություն չէր, որովհետև հայ կաթոլիկությունը ուղղակի անշատողական ձգտումներ ուներ, օրինակ, Հովհաննես Փոնեցու՝ Նախիջևանում հիմնադրած ունիթորական շարժումը և այլն, մինչդեռ սրան հակառակ մյուսը ժողովում էր բարենորոգում և հեղաշրջում մտցնել Հայկական եկեղեցու դավանական հասկացողությունների մեջ՝ Հռոմեական եկեղեցու հետ մերձեցման սկզբունքի հիման վրա, առանց, սակայն, խախտելու Հայկական եկեղեցու օրգանական միասնությունը և նվիրապետական անկախությունը» (էջ 75—76)։ Եվ այս երևույթը Անասյանը տիպական ձևով կոչել է սասկանություն։ Սրանք հարցեր են, որոնք մեկանգամից դրվելով ուսումնասիրողների առաջ՝ լուրջ խորհրդածությունների առիթ կարող են տալ։

Համառոտակի այս է ներկա ուսումնասիրության բովանդակությունը։ Պետք է ավելացնել նաև այն, որ ուսումնասիրությանը կցված են՝ եզրակացություններ (էջ 273—276), թվով 12 վավերագրեր (էջ 279—319)։ Այնուհետև ուսերեն տրված է ամփոփում (էջ 323—348)։ Խնամքով է կազմված ուսումնասիրության գիտատեխնիկական ապարատը՝ օգտագործված աղբյուրների և գրականության մատենադիտություն (էջ 351—374), օտար և հայերեն պատմական, վարչական, հարկային և այլ տեղեկանքների ու բառերի բացատրան (էջ 375—390), հատուկ անունների և կարևոր առարկաների ցանկ (էջ 391—438)։

Ուսումնասիրության մեջ կան մանր-մունք որոշ վրիպումներ։ Աշխատությունը գրված է լեզվական բարձր մշակությամբ, սակայն, մի երկու տեղ կան անհարթություններ։

Հեղինակի տված առանձին բացատրություններ կարող են վիճարկելի լինել, սակայն, մի րան պարզ է, որ այս ուսումնասիրությունը չափազանց հետաքրքիր և նոր խոսք պարունակող աշխատություն է։ Հեղինակը, որն իր մենագրությունն սկսել է օտար և հայ սկզբնաղբյուրների, մանավանդ բեկորային հսկայական նյութի օգտագործմամբ և շատ քիչ է օգտագործել ուսումնասիրություններ, մեզ տալիս է ոչ միայն զննարկի նոր և ինքնատիպ բացատրություններ, այլև պատմադրությանը առաջադրում է հարցեր, որոնք պետք է արժանանան մեր մասնագետների հատուկ ուշադրությանը։ Այդպիսի հարցերից են, օրինակ, արևմտահայ և արևելահայ շարժումների միջև եղած կապերի բացահայտման և լուսարանման հարցը, ինչպես արևմտահայ, այնպես էլ արևելահայ ազատագրական շարժումների՝ շրջապատի կամ հարևան ժողովուրդների հետ ունեցած կապերի հարցը և այլն։

Ուշադիր կարդալով հեղինակի այս գործը, որը մինչև երևույթ է սովետահայ պատմագրության մեջ, մտաբերում ենք բաղմախորհուրդ այն ասացվածքը, թե նա գիտությունը սիրում է իր մեջ և ոչ թե գիտության մեջ՝ իրեն։

Վ. ՀԱՆՈՐԱՅԱՆ